



## UN URÓLOGO DO CHUVI PREMIADO POR UNHA INVESTIGACIÓN HISTÓRICA SOBRE UN MÉDICO TISIÓNICO DA MEDICINA VIGUESA

- *O Dr. Fernando Domínguez recibiu un galardón da Real Academia de Medicina y Cirugía de Cádiz por un traballo sobre o vigués José Ramón de Castro, tisiólogo de principios século XX*
- *Protagonizou un papel relevante na loita antituberculosa, chegando a ser asesor médico do Patronato Nacional Antituberculoso durante a Guerra Civil española*

**Vigo, 27 de febreiro de 2024.** O Dr. Fernando Domínguez Freire, especialista en Uroloxía e Doutor en Historia da Ciencia, foi galardoado pola *Real Academia de Medicina y Cirugía de Cádiz* con el Premio *In memoriam, Profesor Orozco Acuaviva*, polo traballo titulado "*El doctor José Ramón de Castro (1900-1944) tisiólogo artífice do Patronato Nacional Antituberculoso*".

Trátase dun importante galardón na área da Historia da Medicina, que conleva o título de Académico da devandita institución. Ademais, tamén é académico correspondente electo da Real Academia de Medicina de Galicia onde ingresará no próximo mes de abril.

O Dr. Domínguez desenvolve a súa principal liña de investigación sobre Historia da Medicina na Historia médica viguesa sobre a que xa publicou catro libros e numerosos traballos en distintos medios e en congresos nacionais e internacionais. Ademais é membro do Instituto de Estudios Vigueses.



### Gran papel na loita contra a tuberculose

O vigués José Ramón de Castro protagonizou un papel relevante na loita antituberculosa, chegando a ser asesor médico do Patronato Nacional Antituberculoso durante a Guerra Civil española.

Ademais de dirixir o Sanatorio-Enfermería do Rebullón en Vigo, traballar no Hospital Municipal e nun Dispensario Antituberculoso da cidade, puxo en marcha un ambicioso e pouco coñecido proxecto de índole privada, o Sanatorio Quirúrgico Colapsoterápico.



SERVIZO  
GALEGO  
DE SAÚDE

ÁREA SANITARIA DE VIGO

Este establecemento foi o primeiro centro privado desta clase autorizado en España pola *Dirección General de Sanidad*, converténdose en exemplo paradigmático do bo facer e inquietude científica do seu propietario.

Estrada Clara Campoamor nº 341  
36312 Vigo (Pontevedra)  
T. +34 986 217 091  
[comunicacion.vigo@sergas.es](mailto:comunicacion.vigo@sergas.es)